

四庫全書

史部

欽定四庫全書

史部

欽定南巡盛典卷十八

詳校官兵部郎中臣孫球

欽定四庫全書

欽定南巡盛典卷十八

天章

庚子

江南

山東

直隸

詩

迴蹕至蘇州即事有詠

舟艤鞍憑路不賒

迴蹕至蘇即艤舟由對門按轡入城路較近便

扶攜瞻弗禁

誼譁廿朝曰別本非別四海為家即是家信宿駐蹕憩

扈從片時摘藻詠清嘉豈無餘意因民戀政務程期肯

或差

計程至江寧即應閱兵試獻賦諸生又鍾山謁明陵徐州則閱黃河到京後又有殿試散館朝考引

見諸務并

北郊大典均定有日期難

以改易雖民情依戀欲多留數日不得也

高義園

七百餘年地天平尚范家林泉寧彼愛景概致予嘉樹
即交讓樹花為能忍花舜之徒是矣循路喜無差

白雲泉五疊白樂天韻

白雲復此俯巖泉聊趁春遊片刻閒一十六年消底事

淙淙好在滴其間

上方山楞伽寺

上方結精藍自因境清靜
金仙所宜居開士所宜領
而何起樓臺用以供玩景
前度蓋已然重來益修整
小坐意為惡豈合方之省
雖云弗勞民却近遊觀
逞質諸兩足尊亦恐弗相肯

石湖八絕句再疊王寵題周臣畫簃頭韻

別久斯當意切憐
石湖烟景宛如前
畫屏靜展翠濯雨
玉鏡平拖朗映天

東村筆趣足風流氣韻兼之若動浮山靄欲開下歸鶴
湖波點破起飛鷗

參政當年別業開詎知今日有樓臺前番乙酉今庚子
點綴嫌他備兩迴

雅宜七字似天成題策風生動搖去聲輕即境即詩相印

證不差些子是神情

風和日麗颺游絲步輦徐教畫裏移喚雨隔林聽鳩婦
闖波躍藻出魚兒

峽瀑淙池半畝強鵲題兩字勢飛翔

海潮卷後石池半畝鵲題石湖兩字

于壁上石湖之名蓋始于此非謂山前連太湖之湖也

不知者謂太湖尾錯把行

春借作梁

鳴鞭問景向城歸

由石湖還蘇城策騎可達不必掉舟

不必牙檣引纜絲

西望靈巖山頂寺祇餘塔影揶雲微

室豈維摩天雨花興闌歸路踏平沙最憐接踵駢肩者
翹首歡心仰翠華

漪瀾堂再疊前韻

玉局當年題此堂重來試閱鏡中光過眸歲月真無住
漪面波瀾亦有章繞砌不妨任清濁隨流那復計圓方
促成七字言旋蹕恐就瞻民候久長

若水洞

流出為池方為圓溯源水洞得淙泉濯清因識具深義
六一成之含地天

雨

三月二十日

旋蹕舟行正值間吳雲密密遠峯鬟巧其晴寄江天外

沃朕心滋麥隴間諛頌厭聞娛上下惠鮮益切憫惇鰥
溟濛中裏敲吟罷迴望九龍失却山

舟過揚子至金山駐蹕作

巡鑾將次至金陵一宿程留浮玉仍

向幸江寧自丹陽城霞閣舟行過揚

子江駐金山一宿次日渡江遵陸駐龍潭茲仍其例

風順而平送舟速江恬以靜

不波興佈陰樹葉餞春張

去聲似繪山花望夏增拱讀

穹碑今溯

昔

金山寺恭刻碑記辛未歲予亦製有恭奉

皇祖御製奉

皇太后駕臨金山之記

今風景如舊而觸目
縈懷祇增感愴耳

無心問景憾難勝

句容道中作

遵陸大江邊
衡平直似弦
所欣宜北馬
乃覺勝南船
麥穗秀將寔
菜花開已全
三茅曾不問
我意匪求仙

雨

三月二十四日

駐蹕見雨落作解
聽雷鳴真是如人意
自然宜物情飛簷垂瀑響
虛砌受盆傾
仍有非常願
茲達帝京

三月十二

日京師得雨二寸
餘未似此優渥也

晴用前詩韻

渥雨入宵止庭柯乾鵲鳴利秧浸稻種飽穗喜甦情塵

靜沿峯轉谿喧赴澗傾棲霞喜停蹕指日到南京

於棲霞信

宿駐蹕擬二十

六日至江寧

慧居寺疊乙酉韻

精藍據向陽熟路到曾常風靜乃旛動禪圓而戒方寺

原超下界僧自富齋糧試問出塵地可真選佛場愛他

別室迥却盡納山光

賜額慧居改寺

本名隆昌在寶華山梁僧寶誌駐錫于此
聖祖南巡勅改慧居寺賜御

書額千秋名永揚

駐棲霞行宮即事有詠

於斯有宿因心境兩無塵樹色自太古山花又好春壺
中仰天鏡座底俯泉紳一瞬十六載今來忽七旬

題棲霞十景

長江為帶白山襟攝養寧因藹草尋幼挈老扶鋪蹕路
愜予一十六年心

右棲霞山

行宮之內最高處高處得泉他鮮同匯作清池鑑毛髮
諸峯圍印影玲瓏

右玲峯池

豎峯萬古矗嶽寄高閣仍茲偶對之太白香鑪詠瀑布
一時日照想然疑

右紫峯閣

過眼浮光迅若馳重茲書舍萬松披山房設果刮目待

猶昔人哉暫自知

右萬松山房

入自蒙茸得以深豁然開處見天心
天心原在人心裏
應向聖經章句尋

右天開岩

尋幽最喜得居宜
遠卻俗塵引靜思
雅合付之僧紹輩
千乘萬騎此何為

右幽居菴

詭峯搖削復峪呀鋪谷傾崖蹙浪花是水胡然今不涇
山靈直欲傲江巴

右疊浪崖

一泓無滓印空澄山脚泉歛珠顆砾憑攬不殊昔年况

剔疏猶憶尹家曾

江搃攝山棲霞寺碑稱尹先生記曰
山多草藥可以攝養故以攝為名云

云此泉復經前督臣尹繼善
疏剔亦今古因緣適相同耳

右珍珠泉

橋以虹稱溪以鏡藉來幻喻却成真因思世上號真者

何一而非幻所因

右彩虹明鏡

閣黎公案底須刪又見巖雲佈德山空也色乎難著語
彼英英者祇間間

右德雲菴

登最高峯作歌

總斯一攝山巒壑派分夥而皆朝宗頂如佛螺髻妥凌
晨肩輿陟紫峯閣萬松山房幽居菴循徑從奇松詭石太

古宗槎枒詰曲披蒙茸豁然開朗神心泰是乃造極高
之最落星以為襟長江以為帶攝兮無所不包含小哉
採藥養生談是時天風拂嶰崑峭寒切體旃衣添牛頭
一帶俯視南北為足底彼峯尖孰能乘天風駕鸞驂消
萬慮於華巖六朝往蹟誠其纖

白乳泉試茶亭用皇甫曾送陸鴻漸棲霞寺採茶
詩韻

石壁隸書六歲久莓苔生

見明熾時泰攝山志即
白乳泉試茶亭六字

適自

高峯降遂緣曲棧行小憩笠亭幽慢試雲竇清曾羽茗
蹟邈茲復傳其聲

題太古堂

就山以構堂堂豈如山久斯堂固今為山實太古有居
然堂占之寧渠非亭帚名山意若云復久待可否

武夷一曲精廬

言勝彼以山是獨勝以水水亦非浩瀚一曲斯足矣淠
瀾掛崖口深澗圍砌齒武夷我豈見想或有同此因思

世間物何莫非名擬

春雨山房對雨

山房號春雨昨至乃清明適自山遊回山雲四面迎徐
霏乍急陣簷泉遂霑聲峯姿及樹態隱現萬變生珠簾
垂八窓鳳笙奏六雲把筆坐山房佳哉善循名既云踐
其實便可以時晴

晴

快雨復時晴潤暄欣適平行官背北麓曉駕指南京巡

狩巡所守觀民觀我生幸逢諸事吉惟益懷持盈

按觀九五之象朱子注之曰人君觀己所行不但一身之得失又當觀民之善否以自省察如是則君與民為二非一體而自省察之語亦屬引而不發以余論之君與民本一體民心之向背宜觀也民風之善惡宜觀也民生之治亂宜觀也是此三者皆觀民之要而其餘宜觀者不可屈指數然此三觀皆應觀己之所行有以致之若曰觀己之得失又觀民之善否

是朱子所謂話成兩極而非一體矣因用象語故闡其義如此

燕子磯即景

巖徑度輿輕塵消泥不生暢觀緣造極快意是新晴柳絮殷勤舞山禽自在鳴長江靜風浪來往任舟行

遊觀音山永濟寺

一帶山崖依大江棲巖蕭寺若吳艘下臨無地意無住上睇得空心得降何必孤舟鍊鐵鎖

俗稱鐵鎖鍊孤舟

恰如破

浪挂筠簑普門明示法惟識

三界惟心萬法惟識又惟識故聲色擬擬出指月錄

即境何妨聲色擬

駐蹕江寧三疊舊作韻

重臨白下古名區詎祇遊觀清蹕紆因以興亡弔吳國
終當形勢遜燕都江河入畫神俱秀草木當春意轉蘇
萬姓隨鑒分左右恫瘝歡悅與之俱

題明陵口號

佳城三里近都城舉眼可瞻簷與楹彼子孫如無心可

有心歎彼若為情

題靈谷寺

龍蟠因獨據象教以重遷莫辨興國蹟

宋時是寺名

却殊開

善緣

謂明季因建陵移寺亦即梁時寺名

昔新今復舊空是色非禪小憩

憑輿去鐘聲林外傳

賦得日華川上動

得暉字八韻江寧試題

春旭初升曉晴川先受輝騰光纔昀暎送暖向熹微平

浦波輕閃深潭淵未晞陰陽山異號

山南先見日為陽北為陰水北先見

日為陽南為陰南北岸分圻見朗驚鷗宿迷離起鷺飛懸華時

上下耀藻乍依違輪駐義仲馭錦披織女機拈毫咏浮
景畢想謝元暉

閱江寧旗兵

詰爾方行寓覲光閱兵江表武維揚微風不動旌旗肅
曉日偏增組練煌問俗此時思繼述駐防

當日意深長毋忘爾祖國之蓋禦侮曾茲隨豫王

按豫王執明福王平江南其功不可泯戊戌春有旨

申雪罪愆並復其舊封號配祀

太廟凡以旌前示後勵我宗潢而彼時隨王折衝禦侮皆

我八旗子弟兵今茲駐防江寧者或尚有其曾元也

雞鳴寺

閱武有餘暇尋山試勝游雲梯登百級月宇豁雙眸普

濟寺塔名

仍瞻塔憑虛

寺閣名

亦倚樓孳孳善與利語憶子

輿留

遊清涼寺

清涼山上清涼寺縮地五臺為建康

清涼山本山山西五臺山名不知何代

亦名此山一統志無其名惟于石頭山附載之

立字安名曷有定春風秋月自

其常禪枝籠宇佈新葉慧草當階發古香左市右江都
入攬不堪前代論興亡

朝天宮

宋時天慶此朝天易後名因洪武年道侶何須問修煉
吾心原不慕神仙幻哉法術干星斗遠矣元言留五千

朝賀習儀曰於此

見一統志思量殷鑒意變然

命大學士阿桂總督薩載同勘陶莊黃河及入海

口事畢復命詩以誌事

久聞海口淤議論紛聚訟實無善治法未可漫試用復

聞決隄後

海口淤塞外間頗有浮議逮四十三年俄封與時和駟先後決口議者益復紛紛而又定

無疏治之策及河工合龍後大學士阿桂赴行在復命因命與總督薩載前赴雲梯關外履勘黃河入海情形以便籌辦

溜自渦河縱徐州下流微舊河乃多空適值清水

壯刷深海口送一壑亦一利却反資川降

叶

今者河初

復善後事方衆新河俾開寬夏漲度可容

叶

雲梯關以

外東注實無壅

阿桂等勘畢海口復奏雲梯閘外水面比兩岸低丈許海口外灘比現在水面

又低數尺寬至三百六十餘丈河水東注並無壅過無庸亟籌更易海口云云蓋前歲儀封河決溜從渦河而下適值洪澤湖水壯盛藉清刷深海口是安

馬港接西

隄自屬分提封

阿桂等又奏馬港河有殘缺舊隄二道東隄長六里餘西隄長二十九里餘雖

在雲梯閘外但上游為腹裏民田每遇盛漲即虞倒漾請將西隄殘缺及接築無隄處所聯至北潮河西岸民

堰以禦倒漾自

其二套以下宜留分洩共

二套以下由北潮河入海

處所路捷勢順設過漫溢正可分洩盛漲宜由以暢達尾閘無庸更行辦理

建閘轉不必與

水爭利閘

雲梯閘外原不必與水爭地阿桂等所請添建閘壩以資啟閉之處諭令停止灘地

保無溢豁糧切瘵恫

二套以下分洩盛漲則馬巷河隄東灘地即不能保無漫溢其應徵

減則地畝錢糧並著薩載等查明奏請豁除

大端既以示推行善衆綜巡方

非徒來安民切深衷

叶

江寧故宮城歌

江寧故城凡幾移秣陵治城紛難考建康臺城即在茲

無過左右清裏表

一統志江寧在秦漢為秣陵孫權都此改名建業又舊志建業故城在吳

冶城東歷代沿革名既更而地亦屢移臺城在元武昌側輿地紀勝臺城本吳後苑城晉咸和中修繕為建康宮又建康志今胭脂井至高樓基二里即古臺城地雖陵谷變遷地名屢易然總不出石頭之左鍾山之右大

江之南牛首
之北而已

率因世遠年已湮以訛傳訛殊不少祇有

紫禁及故宮朱明蹟近還堪討然而殿閣無一存惟在

柱礎埋煙草至元拆木輸大都

舊志宋行宮在京城內大中街元至元十五年

拆故宮材木輸之大都遺址僅存二十三年段為御史臺至正十六年明祖建府于此後改築皇城于東偏稱

此為舊內是故宮之一變也

永樂重運燕京道

明初築紫禁城營立宮殿當鍾山之陽規

制頗宏整俗傳永樂遷都時運故宮材木于北京若元至正故事金陵宮闕遂鞠為茂草是故宮之又一變也

午門斗城餘雉堞皇極殿瓦雙鴟倒福王觀斯應椎心

卧薪恢復猶難保

福王雖都此播遷之後一切華露殊無朝廟規制也

而何耽樂

信奸邪乃歎優人艱致好豫王得之未費力

福王監國南京不思

枕戈嘗胆以圖恢復而乃信任馬阮惟聲色是耽以致淪胥莫救時豫王乘霧統兵渡江援師悉潰福王夜奔太平執至南京其取滅亡良可歎耳荒涼豈緣兵燹擾即今城內駐旗兵

尚覺空墻多溪沼憑輿小住弔興亡鑒戒慮深非炫藻

江寧旋蹕駐龍潭行宮作

巡狩無非事者然要於勝處戒流連金陵諸務既云畢

觀民省俗閱武謁明陵考士子諸務皆畢

容水一程適可旋殊昔攝山駐以

豫

向從江寧還蹕必仍駐攝山一游次日至金山程將百里茲改駐龍潭次日較近二十餘里

圖今

浮玉到為便怯行百里近廿里自覺鬢眉已長

去年聲

渡江至金山

未至攝山駐省餘廿里程密雲將作雨曉日忽開晴
壠麥向暄秀野花得意榮金山到卓午風靜剪江平

金山妙高臺再和蘇東坡韻

乙酉昔登臨契濶今庚子今昔誠瞬息南巡數千里遊
豫為侯度無非為民耳是日渡江迴風平浪不起金山
仍一宿拾級登臺砥曰臺而有屋甌硯潔陳几因繹妙

高義蘇句香沁齒上則碧寥天下則汪洋水妙高合相

觀借問非乎是爾時談禪句非活亦非死

禪門問答有活句死句之

殊見傳燈錄

再題文宗閣

四庫全書鈔四部八年未藏費功勤集成拔萃石渠者
頌貯思公天下云今古英華率全薈江山秀麗與平分
百川於此朝宗海是地誠應度此文

再題大觀堂

渡江北上此維舟信宿仍教兩日留花事南邦未云謝

樹陰夏院已加稠觀民觀我中心忖

近詩有觀民觀我生之句意以民心

向背民風善惡民生治亂皆應觀已之所行有以致之是為君民一體詳見前按

曰旦曰明逝

水流一再題吟泐齋壁自思結習可忘不

大觀堂對雨

終日雲疎密非煙是霧濛濕衣看不見盈手潤原同問
政仍餘暇巡方半歲功平山罷游舫付與詠思中

再題文滙閣

萬卷圖書集成部頒來高閣貯凌雲會心妙趣生清暇
撲鼻古香領淨芸身體力行愧何有還淳返樸念常勤
烟花三月揚州地莫謂無資此匯文

過金灣六閘書事

車邏及南閘金灣之上首瀉漲仍恐弱籌及六閘口然

皆治標計治本計則否清口定水誌此事在壬午

叶
壬午

南巡時親臨高堰酌定視山圩五垵之誌預開清口東
西二壩以洩湖水為釜底抽薪之計其五垵封土不令
輕折下河十餘
年來遂獲連稔
釜底誠抽薪下河獲利久戊戌河決秋

洪湖不能受無已開五壩

戊戌秋河決儀封下游入洪澤湖宣洩不及無已啟山圩

五埧歸之高寶諸湖又以次開南閔車邏諸埧歸之下河幸彼時高堰無患下河早禾又已收晚禾補種無多未致成

盛漲由是走高堰幸無害為以漸非陡下河灾

大灾

雖輕對民心自咎即今慶河復此事或希有底績無良方救弊惟增醜

過車邏壩

往南過壩時大河尚未復還北茲過壩故道歸黃漬未

復盼速復日夜問奏牘

儀封未報合龍前日夜詢問黃河水勢入江南境之信隨據薩

載連次奏報黃水入江南境及至徐城
水誌長水文餘始知黃河歸故道矣
歸故籌歸後夏

汛防三伏然因定水誌

自壬午酌定山盱五埧水誌不
令輕折車邇等埧常封固下河

遂連歲
獲稔

山盱守以篤戊戌秋河決注淮勢甚酷無已始

開茲輕重權惟悉

戊戌儀封決口料黃水定由淮入洪
澤湖不得已始啟山盱五埧以洩盛

漲通歸下河幸早禾已收晚禾補種無多不致
成大災彼時權其輕重不得不如此辦理也

其餘率

封土十年九遇熟然此幸而中

去聲戒驕謙自牧

五依

皇祖閱河隄詩韻

洪湖賴高堰厯念在深宮費那惜官帑慮惟慙術窮黃

流幸北徙清水暢南通

自陶莊開放引河又築順黃欄黃二坝執通溜勢黃流幸已北

趨其惠濟祠一帶昔時迎溜頂衝處所今則清水暢流至彭口始會黃東注矣

救弊補偏耳終

艱永逸功

洪澤湖五依

皇祖詩韻

碧淨連天萬頃虛隄功咨度立觀徐

迴蹕渡黃臨視高堰及清口東西堤

工據薩載繪圖請將三堡六堡等處卑矮磚石工加高余以磚工不若石工經久自應一律改建石工逐段分

年修築以資鞏固因令再行確核期
于永遠安瀾即多費帑金不惜也
可憐漁舫謀生計

不避風濤此捕魚

陶莊

河神廟瞻禮

春仲渡河日辦香敬禱申何期即翼旦

顯佑沐明神

儀封決口合龍後阿桂至行在面奏十一
日儀封金門尚瀾三文水深十一丈餘至

午時南堤埽根北走與北堤接連隨填壓稽料不三四
刻立見斷流而埽底亦無翻花過溜航緣巧合因敗為
功此寔二月初十日渡河辦者虔禱之次日
也河神默佑誠神速矣詳見所作河復記
南壩忽移

北無心自合脣崇祠紀

鴻貺惟益勵度寅

渡黃河作

越角吳根諸務成大河返渡禮

壇棚幸逢今日全殊昨又見黃流得會清

二月初十日
渡黃有渡黃

如渡清之句蓋彼大河尚未復故道云

息浪寧湏稱浪細無風真不啻風

輕

天恩

神佑欽承處自問何修益屏營

命嵇璜薩載往徐州勘應添石工詩以誌事

徐城經三臨無非民務急土工及石工次第籌詳悉

丑丁

壬午乙酉三次南巡均至徐城閱視次第籌策其河南岸既添甃石隄而北岸土隄則戊寅夏命劉統勲來徐相度議築者起自大孤山至蘇山以禦漫流而東河勢兩堤既成城郭田廬均資捍衛

凡緩可待

者擬翠華重出其工在城西石隄於彼畢欲接至韓山

條石易一律

自周家莊石工起至韓家山靈神廟四百三十丈地當徐城上游本擬一律接築石

堤以工可緩欲俟重臨指示故待至今

庶可恃無恐黎民安井邑前歲

戊戌

秋異漲徐城危岌岌上游決儀封此幸保無失

戊戌秋黃水盛

漲徐城勢處危險因上游儀封時和驛決口全河歸注賈魯渦河由淮入洪澤湖故此地幸獲保全然不可不亟籌鞏護

是不可再緩前議應循緝獨是陸程遙來往

之策矣

百六十

自朝莊歸至徐州陸路往還百六十里

衆應萬騎隨已亦七旬及

因之罷親莅慙非勵無逸而斯事體大部臣家聲習

嵇璜

乃前河臣嵇曾筠之子習聞河務且亦曾為副提河因命會同薩載前往勘視周家莊至韓家山一帶應河石工提期永保安瀾不惜費帑也

督臣夙治河情形審所必同往試經營

復命重勘挹費帑非所靳安瀾籲永翕

寄題黃樓四疊蘇東坡韻

前年河決不惡說衝隄
降水滔天發下注賈魯傍四溢

直達蒙亳洪流滑屢築屢頽嗟無計
諸臣泥立濕衣襪

前歲儀封決口屢次堵築至合龍時
每被冲塌在事諸臣勞瘁河干甚至
原任叅將李永吉隨端落水冲入回溜
遇救生船登岸因賞給花翎復還原職
匯入五湖畧澄澈委輸洪澤欲呀

呬為思長此竟安窮引河加寬聚鑊鍾
阿桂等奏填工屢被冲塌究以

引河未能全掣大溜之故今擬自黃家莊
引河中段起于已開丈尺外再行儘力挑寬
使其不待冲刷即可暢達因先所請即令調集人夫
上緊開工務于挑汎前歲事是或釜底抽薪策瘴瘵夫

工最憐煞徐州舊河成細渠空有香燈走神刹黃樓大
異東坡時下俯來往櫓聲軋即今河雖復故道猶厯灾
所飢饉壓徐城微倖未被沴豈對此忘彼疵齟齬窮道
賦繼亟恤那更餘力畜鵝鴨四番險韻勉四疊興異老
蘇託泛雪

河復

東坡詠河復乃復澶淵彼我今詠河復實復徐城此爾
時雖曾入淮泗旋即堵閉仍北醜所以東坡次年晏黃

樓

謂東坡九日登黃樓事

楚舞吳歌把殘喜

樂括蘇句

自從紹熙南入

淮經徐奪泗多年矣此實故道要亟歸天然合龍真幸

耳

阿桂奏二月十一日合龍時南埧埽根忽向北走與北埧接連隨填壓稽料不三四刻立見斷流而埽底

亦無翻花過溜遂以嚴功此實

天助

神佑非人力也

誠謝誠畏誠敬虔以云

誠感誠堪恥

按蘇軾河復詩序云熙寧十年秋河決澶淵注鉅野

入淮泗彭門城下水二丈八尺蓋彼時黃河正道在

澶州大名及濮鄆濱棣諸州其至徐州亦如近戊戌

河決之由賈魯渦河五湖之入洪澤耳又統志稱今之河淮并為一瀆自金明昌始金之明昌當為宋之紹熙爾時宋雖稱姪於金而南遷之宋社故在也金之與宋祇可比為南北朝而非一統且此地亦非金所有當稱宋紹熙五年河淮并為一瀆又元時河徑徐州與泗水合則淮泗乃今日之經流而徐州為河故道亦久矣獨是熙寧時河復以澶州大風終日既止而河流一枝已復今儀封決口已一載有餘而合

龍時兩壩天然巧合片刻收工豈非

神靈默佑非人力所能與乎既詳見河復記因感熙寧

河復之事並識於此

過桃源二首

桃園明季譌桃源斌高曰同畊古道存一再審之無其

事知仁觀過昔曾論

辛未過桃源時高斌曾奏此地畊者鳴鑼集衆通力合作猶存古風

且于隄旁呈覽及丁丑壬午兩經其地俱未見復一再問之督撫皆云實無其事蓋通力合作即同養公田之說人心不古豈能行之今日高斌非欺予者想受人愚耳前乙酉詩故有觀過知仁之論云

北來麥穗綠
董黃翻浪風
聞餅餌香
陶記寓同無
何有
便移此地亦何妨

雷雨

四月十二日

清晨西南風
細雨落旋止
晴轉西北風
倏忽大雲起
南北氣殊有
是哉南風雨
止北雨來
阿香推車殷
其雷
運河接上銀
竹塢流離頓
挫勢莫擬
極量豎灑還
橫排是時安
福御舟名問
問坐兩岸
萬民紛右左
舉香瞻就雨
弗避船齋入
憩夫豈可執
事雖有油纖
支風絲時亦
拂鬚

眉侍臣則已衣帽濕

時御前侍臣等護衛左右衣帽均已露濕

黃頭邪許齊

力施風雨歸舟畫活脫

石渠寶笈舊藏風雨歸舟圖為宋李唐所畫煙景蒼茫與此時

情景絕相似

更因濟川憶命說同舟濟不勝僂指如說其人

則有幾

夏家馬路

運河東帶大河西左右牢防恃兩隄放淤較前雖積土

加高應畀兩隄齊

壬午乙酉兩次親臨夏家馬路指示河臣築月堤于深塘內進黃放淤今

積土雖較前加高然必須與左右隄岸相齊方為穩固因復臨視面諭陳輝祖令其照前放淤以資保障

安瀾

龍王廟三疊舊作韻

欲勘流歸壑暫教艫

安福

艫河萬年資普濟一氣達洪渦

清浦繞申悃

二月初十日渡黃河甫于陶莊河神廟申誠默禱而十一日遂有儀封兩堤自行

合龍黃河順歸故道之事詳見河復記

宣防竟藏歌由来叨

一佑

陶莊儀封相去雖遠而神靈昭貺正如水在地中無往不在固不當論其在此在彼是一是二也

敢不謝斯過繼

志勵無忝

此廟雍正五年
皇考所建答

底曰若何惠民敷化雨克已息心波

嵇璜薩載會勘徐州石工畢復命詩以誌事

勘河貼說繪圖還同是隄防非剔鬻新石重教增舊石

徐州城外舊有石工三段長九百七十餘丈較之丁丑南巡時親臨指示所見新石工用石十七層者短少二三層不等前歲黃流漲盛僅出水數寸因命嵇璜薩載會勘將舊工分別加高二三層務與新工一律相平以資鞏固

韓山一律接奎山

自韓家山至奎山一帶四百五十丈當徐城上游向止堤堰欄

禦茲命會勘改築新石堤內四百三十丈應砌石十七層其接連山脚之二十丈地勢較高砌石十二層以上各工共估需銀九萬二千餘兩即令薩載等核實採辦運工接築統于來年四月以前工竣

補偏救

弊惟斯亟永逸一勞真是艱行水禹之行無事言思及此輒頽顏

過牒

運河利有牒為節盛則宣洩弱則蓄設使無此資操縱一往就下後難續牒束水因水勢雄拖犁牽纜忙船工左支舟或屈於右西掣牒翻撞其東閤閤坐視乃生笑一切罷之去呼噪無何牒牆亦自過河有尾大致不掉竭爾因憶杜老詩本無事而庸擾之

過伊河入運口

微山洩漲亦名伊

此伊河非伊洛之伊蓋微山湖會牛頭洩柳之水並金鄉魚臺二縣水由

南陽昭陽等湖匯成巨浸其尾間一由荊山橋河入運一由韓莊湖口新舊二牖入運丁丑歲因湖水漲盛開此伊家河一道長六十九里由韓莊牖宣洩入運嗣後酌定水誌于湖口牖迤北添建滾水石壩量水勢大小加板蓄洩以資濟運兼利農田寔為一舉兩得

酌濟其間利運資一舉不妨成

兩得由來事總在人為

微山湖

受潦利民田輸川濟漕運水匱功實鉅節宣要勤慎前

人貽良規行之在後進無貴屢更張亦戒怠弗振即事
吟五言或補司河訓

舟行

自入山東境舟行鮮御駭每出船頭坐為便萬民瞻兩
岸堪縱目沿路農功探麥穗秀以齊灌漿浪含大田
種亦畢出土發翠尖獨是微覺燥風日漸烈炎雖未堀
堞甚弱苗恐難堪何處非吾民為望時膏甘夏雲佈四
宇庶幾三寸霑

雨 四月十八日

卓午雲纔佈交申雨遂紛沃心副希冀

今曉舟行有為望時膏甘之句

以近日暑覺風燥也

澤物特殷勤期趙五日近

五風十雨已為時若期昨十二日雷

雨茲終五日耳

潤霑四寸深

山東巡撫國泰奏報濟寧州境及所屬魚臺嘉祥汶上三縣于十八

日未時至戌時得雨入土四寸四野深透

入宵聽淅瀝惟暢以為欣

晴

夜雨詰晨霽河風拂曉寒露光平野潤雲氣遠天殘溪路依然湖麥田頃改觀前途農務況次第待憑看

登太白樓三疊舊作韻

步輦濟地曉入闔萬民瞻就愛情真清遊起此暇之便

豪飲殊他主與賓却以飄然緬昔句

謂杜子美詩

益教愴爾

憶前巡

丙申東巡掖
退溯如在目前

益增感愴

拈吟鬚忽七旬逮豈

是不踰矩者人

題南池少陵祠三絕句

狂歌適陟太白閣苦詠今瞻子美祠咫尺遺踪隣左右

吾心乃覺醉於斯

詩仙雖具出塵體詩聖原多憂世心問我二人優劣者
試看七字定評吟

三間古屋亦尋常却覺迎人翰墨香安得清閒無一事
展他遺帙與商量

謁分水

龍王廟

倂醜背流原是合千秋通漕著奇勲永資

神佑惠無射亦藉人謀識不羣

謂白英老人
識水性者

上水船茲

為下水北沚波轉忘南沚裴家庭裕姚家洎優劣殊他
頃刻分

登光嶽樓即事三疊舊作韻二首

東南巡狩浙蘇區鷁首歸瞻西北隅暫令行艫艤河岸
遂乘輕輦入城衢祇因為度觀民切畧厭排當接路鋪

麥固望收塵土大却愁近日雨膏無

自十八日雨後晴
霽六七日漸覺風

燥為之望
澤又殷矣

統志今殊府志區為光為望各分隅

一統志以望嶽樓
在聊城東北今名

光嶽樓而東昌府志又以光嶽樓在府城中而城東北隅又別有望嶽樓卽一事而紀載謫舛如此其不足信前乙酉辛卯丙申諸作屢辨之謝他舊跡尋東北府志所稱東北望嶽樓今寔無之蓋久頽廢而此樓基址宏固益足經久祇此層甍據巷衢不必誰何七萃肅任

教瞻仰萬民鋪銀牌侍衛行行賜可果其中漏者無

無為觀再疊舊作韻

南巡出法宮歲禮既惇崇歸舫茲停舫

三公謁

帝公

觀中祀 三官大帝世傳茅家三弟兄卽上帝之三公也

午年忽經亂申歲此

歌功

甲午秋壽張逆匪王倫倡立邪教糾衆作亂佔踞臨清舊城寺廟民居多被殘毀此觀亦重經修整

丙申東巡經此作臨清歌以紀其事

象設惟冲漠無為佈

澤鴻

雷雨

四月二十六日

過午燥西陽傍晚升雲氣湏臾作雷聲雨絲忽焚至蓬
憲遂擬鳴一川震震意喜而不忍眠然未敢即慰曾弗
消片時雲輕雨亦細患失果失之徘徊惜難置

迴鑾至德州行宮作

舟事昨朝歲陸程今曉登十旬忽已閱一豫敢忘競邇

日望雲切乾田待澤仍行宮詠舊作

壁間舊作多問
安迎

輩之

什至丙申留題尚云祇為願
切又聞縮頓數間成迴環諷詠

躬來忱
彌覺增懷

益覺悶懷增

入直隸境

燕齊近接境疆吏肅迎分一例坐塵堞忽看起夏雲雨

霏旋即止

是日微雨

心惜那能欣麥穗灌漿候為之望澤殷

河間道中作

五月初二日

前朝修市雨淋纖

四月晦日

獻縣北今五寸霑尚見牛蹄泮

積潤不須蟻穴象重占資蘇藁簇麥薶穗改觀

去聲菁蔥

禾黍尖迤北未知澤何若速教詳視騎程兼

河間道中於四月晦

日得雨五寸今日經行尚見四野含潤頗為優渥其迤北各處是否能一律普霑仍深廛念因令表守伺馳騎

探報

由來

方幸河間北霑雨由來迤北旱還同都無卅里土膏潤
原祇一天風日烘行路那能免旅况閱田惟是憫農功

歸輿已自嬾吟興吟以恒暘益省躬

夜雨

五月初四日

夜雨忽聲傳簷牙滴溜泉沃心盼未定傾耳聽無眠半

刻遂中止他方徒遠牽凌晨馳探騎一寸澤猶愆

初四日趙

北口入夜時雷雨大作半刻旋霽因令袁守伺遣人南北馳探數十里均不及寸益勞塵念耳

端午日於趙北口作

迎鑾近遠發倅郵

端午日駐蹕趙北口班禪額爾德呢遣喇嘛伊什巴爾珠布及哈薩克使

臣色德克蘇爾坦等前來迎覲即于行宮前設龍舟水嬉賜宴其自京迎鑾及扈從之王大臣等並命與宴以

昭慈惠是日內閣本報亦至仍照常批發不因宴賞致稽政務也

午日燕南趙北州嘉

彼傾陽來雁使恰茲臨水示龍舟率因逢節俾懷惠實自望霖未解愁春孟去而夏中返光陰訝似逝波流

南巡迴蹕駐御園之作

往返十旬勤省方湖

淮河徐海浙

各策籌慶


南巡要務在河工海

塘而洪湖清口尤為治黃閘鍵昨親臨閘視罷揚莊河口改移之議其高堰三堡六堡等處卑矮磚工改建石工逐段分年修築又暢開陶莊引河俾加寬深復命大學士阿桂等往勘雲梯閘外海口自二套以下留以分洩盛漲暢達尾閘不必與水爭地其灘地應徵減則地畝並令薩載等查明請豁又命尚書嵇璜等往勘周家

並至韓家山改建石工四百餘丈並將舊石堤加高層
數與新堤一律整齊至浙江海寧柴塘四千二百餘丈
雖尚完整然究不如石塘之鞏固因命督撫勘估改建
石塘俾濱海羣黎永資樂利
三春時若南
邦閱首夏澤殷北地望
自四月以來直隸山東望雨頗
切惟濟南一帶于四月三十日
已得透雨至德州以北
則仍盼渥澤詳見前詩
閱若忽忽時度速望殷切切澤
愆長寸衷更有難堪處

萱祀那重問

豫慶



欽定南巡盛典卷十八

欽定四庫全書

史部

欽定南巡盛典卷十九

詳校官兵部郎中臣孫球

欽定四庫全書

欽定南巡盛典卷十九目錄

天章

十九

乾隆四十九年甲辰

御製古今體詩

欽定四庫全書

欽定南巡盛典卷十九

天章

甲辰

直隸

山東

詩

南巡啟蹕五疊前韻

有序

時邁東南望幸俞六巡之請言觀河海省方考三
載之成惟民事之大宜勤先咨樂利體乾行之健
不息遑憚舟車典數虞周途循江浙昨歲豳豐展

禮萬年仰

締造之艱今茲吳會敷恩兆席慰尊親之戴石塘鱗次潮
平籌走中壘砌岸山連軌順慶安高堰况復源探
星宿瀾廻際二月桃花時若雨暘蹕路看三春來
浪自郊畿以遵東魯由淮海而達錢塘陸館水程
戒大吏改前巡之舊人和政肅示後昆知家法之
嚴輒啟首塗韻成五疊從此韶開九十因閨餘而
媚景添長佇斯里記三千值幾暇而新篇嗣詠

云遊云豫豈云辛休助期霑望幸倫五載考功速虞狩

庚子南巡至
今甫三載

一章時邁舉周巡海塘條石從新築

庚子
年南

巡時以海寧柴塘完不如石塘之鞏固因命該省督撫
逐段確勘凡可以改建石塘之處一概從新改築石塘
並勅江省協濟石料次第建
築俾濱海羣黎永資樂利
河堰並山接舊申

徐州河
南岸既

於丁丑壬午乙酉三次南巡時添覓石堤其北岸土堤
則於戊寅年夏命劉統勲往徐議築均資捍衛至南岸
韓家山一帶工程四百餘大地當徐城上游於庚子南
巡時命嵇璜與薩載會勘改築新石堤即今核實採辦
接築
完固
况值黃流初順軌益勤赤縣普安民
前歲經大學
士阿桂等奏
自蘭陽三堡至高邱七堡南隄外添建大隄開引河一
百六十餘里導河水入渠下注高邱歸入正河故道安

流入海其黃水經行處所如山東之曹充濟寧江南之豐沛等屬從前皆不論月分常予賑恤所有各該處情形元氣是否全復尤爲軫念

水程陸館惟遵舊綵結燈張戒慢陳攜

子更殷身示度

昨允薩載等陳請諏吉六巡臨幸江浙

宮坐落一概仍舊毋稍踵事增華並命皇子等隨往觀看沿途水陸扈從人等約束整齊迎鑾士庶忻戴至誠必如此然後可言省方問俗度若不能不如罷巡幸之舉不啻耳提面命矣

觀風誠幸氣如

春媚依黎庶懷仍昔資借精神句倍新佳麗山川往擬

別古稀合以罷巡頻

南巡諸作最多不無秀麗江山之助茲年逾古稀意此後可不事命

駕矣

良鄉行宮五疊舊作韻

復此一巡發京國逮茲六度涉吳江行宮初頓駐鑾早
饒得拈毫倚綠窓

別館無煩修飾勞閱三年雅稱去

聲棲邀

自庚子南巡閱令纔三載沿途

行館均屬整齊先期諭令一切俱仍其舊毋庸再加修飾

省河觀俗胥正務寧爲江

山助興豪

立言憶務去陳句爲政當知愜衆情休助非闕循故典
欲酬望幸萬民誠

百雉縣城平野南高低積素正濃酣豐年後蓄倉箱否
明日前途歷攬探

郊臺

行旌發廣陽臺迥向南望兩度斯郊勞去聲 庚辰春二月將軍兆惠

等平定準噶爾回部凱旋於良鄉縣南築郊臺迎勞成禮丙申夏四月將軍阿桂等平定兩金川凱旋重修郊臺具儀迎勞如庚辰之禮一心感

昊慶春初苔色淺歲久樹陰長惟願無茲事佳兵豈有當

弘恩寺

花宮路必經取便小留停那計今和昔欲忘色與形階
蕪未染綠庭栢祇擎青旋命輕輿去簷風響送鈴

琉璃河

時節值初韶冰凝雪未消薄寒切輕輦凍浦度長橋溱

洧非子產枉梁緣豎貂

琉璃河石橋千尺接以石路頗便行旅相傳逆璫魏忠賢故里

春秋祭掃來往經過軒幢羽蓋騶從萬數有司畏其權勢爲之修建勝朝時事至此可爲浩歎屢見前巡琉璃

詩逆璫勢如此觸目歎前朝

降旨寬免直隸各府民欠倉穀詩以誌事

三輔比年幸有收

直隸連歲俱獲有收昨歲臘前復連得雨澤於春來尤爲有益

偏灾

春借合償秋未完之項自餘積概予其蠲莫更留

直省從前

偶被偏灾地方尚有積年借欠未完倉穀但按限催科民力不無拮据茲清蹕所經命該督劉峩飭查順天保定河間天津正定順德廣平大名宣化遵化趙州深州等十二府州屬所有未完積欠倉穀十五萬五千二百餘石概予豁免用普春祺老幼計資衣與食豫遊義在助和休雖云

臘雪深培麥膏雨其時望庶酬

涿鹿行九疊前韻

常聞衆志成城曰休曰助惟巡行時邁其邦

天子之設失其度戒亦明蠲租逋賦德期飽惠施那計收

成好

去年直屬雨水調勻收成豐稔今歲因蹕路所經既按例蠲緩租賦其積欠向年因偏灾民間所借

倉穀亦普予蠲免俾近畿黎庶益洽盈寧之福務爲實政祛虛文由來大道無

小巧好爲章句豈非尤涿鹿八疊韻已稠欲罷不能結
習爾即今仍復一疊留黃綾詩本寫以收未足契乎業
之修

涿鹿行宮作

向例燈宵烟火陳今番過節不教頻

向年南巡啟蹕在元前地方官每

每於近頃預備烟火今歲節後啟鑾
因傳諭直隸山東督撫停止預備

豈誠官費非民費

可識還淳在尚淳書靜詩書堪枕
昨年深松栢益精神
舊新詩句難儻指何必多慚杜甫嗔

漢昭烈廟詠事

昭烈不失爲賢君
諸葛則誠稱賢相
君臣同心期中興
惟能王去聲蜀
失所望終致安樂喪其基豈

天不祚炎劉
貺元成桓靈敗德久縱懷
恢復無救喪所以

向爲酌中論
難在守成倍開創

向嘗爲創業守成難易說大旨以卷文本對唐

太宗撥亂難守成不易之說爲非蓋以創業者未竟之難皆守成者分內之難不待失道失衆始爲慚負前人但使式廓之版圖或有侵削垂裕之成憲或有廢弛即無以覲耿光而揚大烈是非安不忘危存不忘亡鮮有不盛滿中之以此思難者所以持難者可知故子之獨以難責夫守成者非獨忘創業者之難正以慰創業者之初心耳因過昭烈廟感後主之不能嗣守前業以安樂喪其心而尤不能不歎息痛恨於元成桓靈之敗德益信予前言之爲酌中定論也

春雪

春雪南方各報霑

江浙湖廣一帶今春俱屢霑雪澤據

寸有餘薩載伊齡阿泰江寧及兩淮得雪五寸至三寸不等姚成烈奏湖北得雪六寸有餘南省雪澤遠近均

霑實堪
欣慰

蹕途喜信迂眉尖犁鋤舉趾自弗誤餅餌充腸
庶可占邇日每披風且暴平原頻堀堞堪嫌思量復雪
雨更好所欲奢哉豈易兼

紫泉行宮賜隨從諸臣及地方官食詩以誌事

此頓郵籤近門前賜食便臺臣胥扈蹕今日許陪筵十二

四日紫泉行宮賜扈從諸臣食
並今地方官陪預以均慈惠
和氣聯中外春風在管

絃無湏燈火設
火向年紫泉行宮賜食並於晚來設燈
火今歲上元節事已過概諭罷之
不

是上元前

賜直隸總督劉峩

畿輔居官爲最久掄開祭幟俾仔肩由來吏治能誰隱
所重民間在汝宣莫以已知自矜也常如不足尚勤旃
三年方伯凡三易直隸總督自鄭大進袁守侗及劉峩三年中凡三易矣擣句翻
因意憾然

紫泉行宮十詠

敬軒

一區行館縣城南路近因之早駐驂十景向來率留詠

無妨次第與全探

屏山

門內應須屏以遮嶽嵒堆石徑教斜試看面面皆活畫
底論元時四大家

鏡湖

水鏡動冰鏡不動春凌未泮靜光呈設於鏡上求本體
不動饒他動者明

舫室

舫稱爲室室稱舫名實主賓曷有常飛興一時千里外
不殊展卷玩江鄉

梭亭

梭亭何異剪茅茨阜上惟消四柱支黃屋非堯心古語
一時絜矩祇慙之

虹橋

負冰魚陟底應空不可履冰橋履虹取象安名胥幻爾
何須幻裏辨雌雄

魚罾

春冰未可試魚罾
虛置湖邊失所能
一宿寧須多綴景
拈毫惟道不相應

石逕

高低壘處皆成趣
曲折盤中總入奇
散步莫嫌斯逕險
世情險或過於斯

竹埭

春埭烟簾亦自佳
戛風延月傍虛齋
連林指日看江浙

君子先容此結懷

箭廳

弧矢廢將三十歲

自庚辰年臂痛後騎射尚可借馬力開放且時亦命中而步射則艱於持

滿久未親御弧矢閱今甲辰已二十餘年矣

箭廳即景小盤桓携來皇子觀

其射新舊拈吟命畢看

自丙子歲至庚子凡箭廳新舊留題皆寓習勤肄武之意而以

臂病後廢射爲歎今歲携諸皇子來觀其習射因徧示以前後題句

趙北口行宮四疊舊作韻

素心在崇樸踵事戒增妍行宮憩依舊新詩韻疊前得

閒因筆點過節罷燈懸庚子甲辰換窓中下水船昔歲

與今夕一彈指頃明且欣節事罷

前巡每駐蹕趙北口多值上元今節每於

行宮前張燈賜宴今歲正月二十一日啟鑾至趙北口則節事已過因先期申諭臺吏停止預備

都付

電光評蝶栩夢堪悟魚恬浪不驚初韻未昌冶適可契

閒情

題湛持軒

倚淀書軒號湛持湛持之義可深思即如春物昌昌至

亦賴其軒靜有思

懷清樓

層樓俯清波懷清因以名每來各殊致即景興會生清
爲景之佳懷爲心之萌懷清則弗濁設施乃得貞所以
童子歌滄浪貴濯纓

趙北口行宮西軒作

行宮逮百年

趙北口行宮康熙年間即建以備水菟者

西軒向所喜階基臨

淀池千頃俯渺瀰額因用杜句相於永天水往來每有

句更僕難僂指而何置亭臺點綴圖景美

向年行宮西軒俯臨淀池

烟波渺瀰晴空一碧與杜甫天水相與永之句情景適肖因以題額往來題詠甚多嗣周元理楊景素乃於此點綴亭臺廊榭既占淀池夏潦之容而且有碍勝既以望徒滋靡費實爲辦理不善庚子年曾有詩誌事既以隘波容而復致財靡愧未先預禁成事不說矣臨窓意索然五字惟責已

填倉日作

禮有從其俗節名義可論斯千詩已詠餘九計因存是日蹕途遇水鄉氣象溫大官供菜餅飽煖願村村

思賢村行館三疊舊作韻

授經韓傳此貽祠尸祝千秋亦曰宜嘉彼纂言留外傳
笑予失學闕師資駐鑾有暇頗咨政凭几無妨更疊詩
明日輕輿就前道迴瞻祇憫此何爲

題授經臺

漢以傳經著諸儒授受資荒臺雖蹟泯太傅藉名垂詩
易闡精義趙賁述秘思更稱善處事不負讀書時

題毛公祠

野店籠喬樹毛公故里云其傍行館築怯稱去聲駐車欣

設匪光斯價

孔穎達毛詩正義序
毛氏光價於河間

於河尊所聞新安別

立傳得失半相分

按毛傳詩序自漢相傳至唐宋諸儒俱無異詞惟朱子作詩經集傳以爲毛萇始引詩序入經齊魯韓三家之傳絕而毛說孤行讀者傳相尊信無敢擬議有所不通則爲之委曲遷就云云於是別立解說如鄭風則自緇衣以下惟六篇與舊說相仿餘十五篇悉以淫奔斥之蓋泥於鄭聲淫之一語以致拘而過當

遂與漢唐諸儒歷傳舊說顯相牴牾亦不得云有得
無失也向賦月令七十二候詩虹始見篇詩注折衷
及此因題毛公祠並識

日日

日日迎鑾億萬民飽籌其腹煖籌身思量實政無他策
爲叩

天庥綏屢頻

紅杏園六疊前韻

平楚有行宮初春停御輦考古疑信半可果梁王館善
善欲其長人固因境顯木架羅詩書玩味芸編展設非
此津梁藉何資消遣津梁在獻王汲古以爲善

景州行館感懷

酉年築館豫

慈襟

乙酉年此處
行館甫得

孰謂纔消

一度臨

願志有堂惟泚顙澹懷於室祇椎心

願志堂澹懷室皆幻
行宮八景內之名

因真寓真胥幻今閱古成古弗今几淨窓明春正暇能
無和墨寫悲吟

景州行館八詠

展義齋

展義非徒循美名必應愷澤逮編氓設無實政鮮民隱
真是尋山問水行

頤志堂

十八年前此北堂駐輿

前膝起居詳檐楣今祇空瞻額俛首無言黯自傷

通淥橋

曲溪宛轉達平池溪隔芳隄橋接之橋下溶溶通淥水
倚欄湛可鑑鬚眉

澹懷室

室臨水裔水侵階筆硯精良愜澹懷點筆欲吟即景句
集虛可以悟心齋

延月臺

石洞年深假似真洞巔平處砌臺脣
恰宜延月登臺望
粉本傳來顛米新

涵虛舫

室肖舫爲因號舫主賓室舫定爲誰
凍湖半解冰和水
一切分疏付不知

葆光洞

實處爲峰虛處洞虛生光亦實葆光
相需殷則彰相得
理趣文宗契顯藏

四照亭

敬處爲亭亭却小近遥都入照臨通因思四海生民計
總在吾心方寸中

過德州浮橋

一水燕齊兩界分萬民迎送任紛紜古時國步那堪論
今日邊防寧此云益切惠鮮厯保赤惟希與翼祝如雲

大河復故運河治

自上年三月蘭陽至高邱開挑引河
工成後大河全歸故道暢達入海所

有運河兩岸堤工緯道命大學士阿桂於籌辦豫工善
後事畢後赴東省會同巡撫明興相度機宜疏消積水

趕緊修築堤工均於歲前告竣今兩岸青疇彌望廬舍
鱗次民間元氣已復實爲慶幸而迴思前事尚殷然於
經營籌畫
前事迴思懼尚殷
之間也

駐蹕德州行宮疊庚子詩韻

五歲一巡早一歲入齊自趙首臨茲迎鑾老幼紛如昔
葶甲風光正及時石火流陰迅堪驗載舟惟水戒應知
疇咨事罷聊閒坐

溫室東瞻不忍思

行宮東爲向年恭奉
安憇之所每來瞻望彌切感懷

九依

皇祖德州即事詩韻

齊境徐而入春光嫩以初顧注起居者有事必當書

素壁泐

堯章拱讀心欽肅繩

先對時義寰區願安燠

降旨免山東利津霑化等二十一州縣衛借欠銀

穀詩以誌事

前歲金

鄉

魚臺

河決災恒年賑恤救汙萊

前歲青龍岡決口自上年

二月合龍後因山東之金鄉魚臺等縣黃水經行被災較重特降恩旨不論月分常予賑恤至本年閏三月爲止
利津等處雖非甚借欠向隅亦可哀
金鄉魚臺等縣已加恩常賑茲

入疆伊始疇咨民瘼知金鄉魚臺及偏災之利津霑化等二十一州縣衛均尚有未完積年出借籽種牛具等銀十一萬八千六百餘兩倉穀十萬一千一百餘石乃復降旨概予豁免仍飭該撫率屬實力奉行俾霑實惠以副行慶
概予蠲除
蘇民困不孤老幼望吾來即今堀施惠之意
堦春風起爲盼時膏又切哉

賜山東巡撫明興

布政黃圖治有效教巡山左撫而安官方弛後整非易

山東自前任巡撫國泰貪黷營私布政使于易簡扶同欺隱以致吏治廢弛倉庫多有虧缺因令澈底清查勒限彌補民隱災餘救更難自辛丑豫省青龍岡漫口黃水

被淹較重屢降旨加恩展賑並飭令地方大吏率屬實力妥辦毋致一夫失所賑恤逾年費弗

靳被災較重之州縣既降旨撫恤又以自昨歲二月合龍後該處低地未能全涸復屢頒諭旨加恩常予賑濟直至今歲閏三月爲止俾災黎得資接濟即多費帑項弗計也惠鮮僻壤力應殫時

巡夏諺義斯重供帳寧須飾美觀

曲陸店詠事

不曰平曰曲無從考命名傍村築行館按頓駐巡旌景

物當春穉詩書稽古評陸乎如有識想未愜其情

醇和堂三疊舊作韻

平原縣行館內堂名

詎是無端浪與名與名亦自具深情治民豈別有他術
醇俗和風在致誠

徒駭河

徒駭尚禹蹟今河弗道此辛丑河北決其流二分醜南

者入三湖

辛丑青龍岡漫口之水經由東省之金鄉魚臺等處蕩漾渾淤匯歸南陽昭陽微山三湖

水色均已澄清

北者穿運矣幸因有徒駭東流下如駛

大河始漫之際

分爲二支南一支由三湖南下其北一支自趙王河至張秋穿運由大清河歸海分洩不及者由徒駭馬頰等河歸海暢流下注勢甚迅駛運乃未致淤旋總歸南徙漫水穿運之北一支原止十分之二又漸次澄清下注是以運河未致受黃河水之淤墊嗣因霜降後水勢漸消北行一支旋即斷流矣四千年以後不用備猶美禹功誠大哉仰緬平成理

齊河縣行館書懷四疊舊作韻

十九年前構此居

齊河縣行館在晏子祠旁於乙酉年構築有雖然數字樸欣此尚覺中人

產厘予之句

春風二月又停輿怡神悅目徒工彼察吏安民

更要子軼事可曾讀晏傳曠官安得恕爰書

前國泰爲山東巡撫

時於一路行館皆求華美費工無益甚不愜懷曾嚴行
申飭後以勒索屬員事發覺審實抵罪不以此寬彼也
扈行疊吏旃旌側七字言情胥慎諸

書懷復得一首仍疊前韻

四疊韻斯五度居無過一宿發晨興賦詩已是違杜甫
賦詩何必多杜甫句也晝寢何曾效宰予不忍今時思

昔日徒教舊作繼新書陳言欲去其難受先獲我心韓論
諸

見麥

閨歲春寒麥出遲齊郊今日始逢之啟雙眼實勝圖畫
沃朕心如話別離稚稚最憐塵土壓芊芊那得露華滋
幸茲風定雲容蔚益爲顒祈甘雨時

八依

皇祖南巡過濟南韻

八度經過弗入城未爲禪理契無生

戊辰春初次東巡駐蹕濟南

賢皇后於此遘疾遂至不起嗣後自辛未逮今甲辰凡八度經過皆弗入城合之生本無生之說尚覺未忘芥耳

蒂柳烟解令遮人遠

蓮性久應閱世平舊習合忘心芥蒂新巡惟祝戶寧盈
賡詩益切繩

祖武勝向通儒經問橫

宿長清縣行館誌意

吉行路不遙
逐頓行館置無過
一宿去構築嫌多費
昔尚緣

顧慈今更無其事
撫景益增愴
自訟吟五字
吟餘有餘思
所思長清義
大清億萬年
祚長籲

天賜扈隨有皇子顧言識予意

小憩崗山疊辛卯韻

一卷豈不足稱山半刻停輿趁此間
邇日陸行平甸久今朝恰喜見峯顏

崗山來往屢經過憑輦惟看翠嶺我小駐傳餐辛卯始
崗山行館數楹小駐傳餐始於辛卯年有
何來幾處山房見不爲怡顏爲悅顏之句
幾間樸斲却嫌多

對山不是背山樓淦淦朝嵐曉欲收
一炷名香差致敬

未登石磴恐防修

傳宣便復進前途肯以棲遲恣攬娛雖未八义四章就由來拙速尚能吾

靈巖寺六疊前韻

東西路徑原一路南北靈巖有二靈

向因劉長卿西入石路詩名與此處

同曾四疊其韻丙中春駐此細檢其詩知道林麓山寺乃在楚南因作詠事詩辨正其訛遂不復疊其韻豈

必長卿重賡句依然元奘尚留亭漫云逝水如其往試看石泉鎮此渟調御丈夫獨無語由他色色與形形

七題靈巖八景

巢鶴巖

隱士高僧率愛鶴蓋難屈指數

去聲

其蹤胎仙最是性孤

介未必人間願屢逢

甘露亭

上方自合有靈泉甘露佳名亭額傳一字縱詮三乘義
那如無字廣長宣

卓錫泉

杖錫原從天竺來適然小駐此崔嵬六通得謂神奇矣
四句金剛可識哉

摩頂松

求經去實自長安松樹焉能摩頂看却笑千秋耳食輩
弗如斯者轉應難

鐵袈裟

鐵鑄袈裟千百斤誰能披得七條紋可看平石擎崖路
不識分疏不用勤

白雲洞

有暇無妨山路尋
崇椒石洞窈而深
白雲藹藹洞中出
山上猶晴山下陰

雨花巖

方山巖與秣陵臺
都說講經花雨來
試謂天花知厭否
那禁人世屢重嵬

愛山樓

園牆內倚愛山樓
近遠奇觀向牖投
閒凭紗疏聊騁目

方山七景一時留

宿方山

行館傍花宮林巒益致靜山遊薄暮歸篝燈夜方永定
鍾近宵聲弗霜亦含警安禪付彼僧我自娛清省

詣

岱廟瞻禮

古紀三公貴今惟五嶽尊路經當肅謁國佑永希

恩震位專

天德

神功生物原丙申祝

登願默憶獨無言

體元堂再疊丙申韻

白鶴泉行館書堂有舊名體元厓君德展義以時行諸
吏扈陪謹庶民瞻就誠於斯無別好即此可怡情摘句
春窓暇觀書夜燭明南瞻

闕里近釋奠致寅精

賜扈蹕諸臣及山東臺吏食得句

駐蹕有餘暇列筵非素餐地雖分內外職總賛治

平安聲

應識官方要謾言禮數寬入疆頻盼雪歌舞不爲歡

山東巡撫明興奏報郟城沂水等處得雨詩以誌

慰

泰安此日駐鳴騶積素雖存欠

優駐蹕泰安時山徑尚餘積素以本月

初二日泰安報得雪却報郟城雨已被據明興奏報正

二寸然究欠優渥也沂州府屬之郟城等縣得雨四五寸不等莒州得雪三寸濟寧州得雨二寸又二月初二日濟南府得雨二寸

泰安府東平州各得雪二寸兗州府得雪二三寸不等
曹州府沂州府各得雪二三寸不等濟寧州得雪四五

寸土膏滋潤春
農有益等語

劇憐鬲縣雪仍休

前過德州一帶頗覺
乾燥茲各屬兩次獲

被春膏而所經德州一
帶未獲奏報顚望尤切

近枯魚弗信遥潤彼慰那能解

此愁澤自南來將及北

江浙等省雪澤優霑有奏報盈
尺以上者蓋春膏自南而北也

行行喜信迂官郵

四賢祠行館詠古

四賢鄉祀事非誣石

介孔道輔

斯誠無間吾杓鑿何當有

瑗復方園夫豈不程蘓從來門戶清流禍祇爲

去聲羶鄉

時輩殊君子小人近著論界明蹟慎尚思乎

昨曾著君子小人論以爲其界不可不明而其蹟不可不慎堯舜之時未嘗分別君子小人是以前績咸熙後世爲上者固不能明其界而爲下者益顯其蹟以致門戶朋黨小人之害君子不必言而君子且操室中之戈漢唐宋明之禍延及國家是蓋其界太明而大不慎其蹟之所致耳四賢如孫復在太學與胡瑗不合石介以斥夏竦致爲中傷孔道輔坐朋黨大

臣出謫益曉然於君子小人之界不可不明而其蹟不可不慎因過四賢祠詠古並識如右

渡汶河三疊壬午舊作韻

二汶出由牟與蕪合流入濟帶齊都

漢書地理志泰山郡萊蕪縣原山汶

水出西南入濟又水經注汶出牟縣故城西南阜下俗謂爲牟汶又右合北汶水逕汶陽縣云云二水合流入濟又一統志今大清

河卽濟水故道云

岱宗北指青未了吳會南巡景不

殊親切輿情三載閱助休王政六驄紆宣防開壩疇咨

慎

上年何裕城奏請於汶河之戴村壩添建閘座因命大學士阿桂於豫工合龍後會同查勘嗣據會勘具

奏戴村壩係明臣宋禮所建所以截汶助運壩高於汶河五尺水弱時由南旺分水口蓄水濟運水旺時壩身不高即可漫入大清河歸海何裕城之意以戴村壩水挾沙行每汶水盛漲易致淤墊與其每歲挑挖不如改建閘座以資蓄洩阿桂之意則以爲閘座雖隨時啟閉但沙隨水入即使建閘後南旺歲挑仍未可停況建閘後汶水由鹽河大清河入海年年開放鹽河是否能容東平各處民田是否無碍均宜逐一詳慎察看請俟東省運河堤壩各工告竣經歷汎水一兩次後另行請旨辦理朕以爲阿桂之奏為慎重永久起見因俞所請命姑待今秋再勘莫匪因民求善模

於中行館作

行館枕平川吉行駐早焉軒堂供憩息書史伴清便舊

詠從頭讀新知著意詮明朝當謁

聖數問夜應然

致本齋

中水行宮
內書室也

北別泰山麓西臨

闕里程言將修釋奠久以濶瞻誠

自丙申年東巡恭謁
闕里距今甲辰

凡八年矣頓宿循而駐書齋潔且清髻齡讀論語所愧是躬

行

微雨

二月初
十日

微雨四更零達曙猶弗止登程霏雪花亦僅飄緜纚雖
云清塵埃潤實未盈指四字雲氣重謂當作霖矣卓午

露曦光失望徒延企昨近見積素迤南可待耳

昨所經靈巖泰

安中水各處山徑均有積雪土膏滋潤是東省迤南一帶尚不至望澤也迤北亟需澤迴瞻

愁無已

東省德州及直隸之河間景州一帶地脉乾燥望澤尤切昨已降旨詢問劉莪等今其迅速馳

奏雲容西北馳優霈迫予俟

謁少昊陵

取道自東西崇丘先敬躋

自中水行宮至曲阜途經少昊陵先詣展謁申敬八

年潤拜謁萬古啟端倪曲阜安天域清陽兆國禔

按路史少

昊青陽氏其父曰清黃帝之第五子胙土於清是爲清陽作大淵之樂以諧人神和上下云云大淵樂世遠難稽惟胙土清陽與我大清國號相合疏化遐紀已兆國家受命之基茲來展謁益仰上蒼眷顧也大

淵和上下世遠莫能稽

五依

皇祖過闕里詩元韻

春秋八閔度日月迅堂堂徒以古稀歲依然數仞牆道
惟一貫約教在萬方長

聖廟興州建

丙申自闕里釋奠迺詔升熱河爲承德府以所屬六廳爲州縣興建文廟躬親

釋奠增置學額及鄉試中額即新疆巴里坤烏魯木齊等處亦改建鎮西府迪化安西兩州及宜禾等七縣皆建立文廟設學置額聲教暨訖之遠蓋古未有也

絃歌習聚裳

駐蹕古泮池

到來叩謁

大成殿齋宿退臨古泮池瞻依一丹心不足躬行終始
意猶恍有水有亭都好在曰松曰栢益森其明當承祭
親

釋奠八歲春秋逝者斯

二月十一日釋奠

先師疊去歲仲春丁祭韻

昨歲精思釋用丁

昨歲癸卯仲春丁祭親詣太學行禮考月令上下命樂正習舞釋菜始見

於呂覽漢儒編入戴記其所以用上丁之義原無明文因思說文釋丁云丁承丙象人心用丁之義或指堯舜傳心之學而夫子承之丙者明也在明明德即明心也釋奠用丁義或取此是以禮成述事詩有象心承丙前賢注內聖外王祭臨日吉恰斯經後世刑之句

爲師永俾百王法

立教恒垂萬代刑樂奏仰瞻心嚮往禮成應退步猶停
古稀何有不踰矩舞象惟慙自幼齡

謁

孔林酌酒

吉禮虔申

釋奠恍祭臺更詣酌喬林桑田大海有時變方趾圓顱
無不欽立教惟

師真是獨作君則我愧於心柞枌聞說門人植萬古千

秋永鬱森

賜衍聖公孔憲培

久住京師學問豐

孔憲培爲衍聖公孔昭煥之子向隨妻父大學士于敏中在京讀書嗣因

昭煥患病憲培回籍承奉祭祀

言歸承祭

聖人鄉親儀慎勿仍其短

昭煥嗜酒失學憲培當勉勵學行紹承遺澤以蓋前愆勿

效昭煥所爲也

祖德思惟衍以長修已無過守禮樂睦宗首在率端方

卅年兩見崇公襲

孔昭煥於乾隆十年承襲今憲培於乾隆四十七年又襲公爵悵憶

人生曷有常

謁元聖祠

終始不離周惟公心篤悠至今斯廟食萬古祖儒流東
國成迎切金滕武病瘳睿王有同躅寃雪沛恩優

按周公夾輔成王乃心王室尚因疑謗居東及金滕
書啟出郊禮迎然後心蹟始明我朝睿親王多爾袞
當開國時首先統衆入闕撫定疆宇尋即奉迎

世祖定鼎燕京厥功最著顧以攝政年久頗多自專諸王

大臣未免畏忌致歿後爲蘓克薩哈等構陷誣以逆謀
削爵夫睿親王果萌異志方兵權掌握何事不可爲
乃不於彼時因利乘便直至身後以僭用明黃龍袞
指爲覬覦之證有是情理乎予因恭閱

實錄諗知王之立心行事忠藎出於至誠爲史冊所罕覩
皇祖時亦有睿王即我朝周公之旨因於戊戌年降旨追
復王爵並予配享

太廟以妥功宗而昭渥典因謁元聖祠感王之心蹟實有

與公先後同揆者並識其畧若夫修身立教則王實
不及公然不必以是責賢矣

至泉林駐蹕

由旬計里近而便

自中水至泉林纔四十六里以佛經計之爲一由旬林是儒林

泉聖泉那可言過於此地因之成駐似前年不教七萃

嚴訶蹕竟許羣黎擁鞞鞭旭暖風和略乘馬古稀腰臂

尚依然

近南氣象漸和將至泉林數里遂易乘馬以慰就瞻雖年逾古稀控御猶不減昔時也

泉林七疊舊作韻

泉林是我藏詩藪花木秀而水石明瑟爾入歌還入繪
安然宜雨又宜晴不無舊他尋他踐似有新題向我迎
底事七言艱拙速不堪迴憶侍

遊情

甫纔

闕里行寅祀川上恰當此順來總是

聖蹤欽想像寧關勝境恣遊陪遙吟俯暢誠佳矣昔日

今時何速哉一宿饒他松與栢間去聲間平聲清月伴徂徊

八題泉林行宮八景疊庚子韻

近聖居

適纔

闕里祭丁朝

二月十一日丁卯適當闕里丁祭之辰恭詣行禮

東道茲臨迴望

迢近

聖居原我所額躬行心祇愧其遙

在川處

是川寧可比他川

子在時無殊昔年道脉千秋流不絕即看石罅此淙泉

鏡瀾榭

瀾如有動難爲鏡鏡自常明何礙瀾如是鏡瀾齊置却
榭瀾閒倚試爲觀

橫雲館

館北堂曾

慈

昔御

橫雲館北構堂三楹爲
聖母昔年駐宿焉

再來舉目望爲遲七年石

火光陰速即景低徊益自悲

九曲釣

溪上小橋成九曲
前行人顧後行招於斯設悟行文理
不藉旁求理自超

柳烟坡

仲月韶光遞似輕
柳絲爲豎柳烟橫於斯識得化工妙
畫理詩裁總在情

古蔭堂

古杞千年以外計
菁蔥猶見翠雲鋪
杯棬爲順抑戕賊

論自編欄樹識無

紅雨亭

臨亭多值弗花時縱值弗花花在枝明日依然啟行蹕

南邦民隱切疇咨

望蒙山五疊韻

孤望如期致不同

辛未丁丑壬午三度經此皆遇雨乙酉正值望澤有將謂其滂昔歲同不

期孤望此行中之句庚子則雪後繼雨入土霑足故詩有云雪而繼雨不同同謂勝前番此度中雖前後景致

各殊然祈歲之心則一也同惟祈歲寸心中以休巡法夏時諺育德

境思義象蒙高處峰恣猶獲霧均迴柳眼細搖風闕宮
偶憶歌奄有曾紀魯侯幾許功

註經臺行館作

平野祠堂疑信徵云惟鄭氏註經曾固殊賈董治亂策
頗勝毛韓議論興何事其傍棟宇建更教此外榭臺增
設如呼起斯人問行館於斯應不應

問官里行館詠事

郊爲少皞後因有問官名述古猶稱里於今那見城却

看館早築不說事之成一宿仍前進徘徊弗愜情

春秋

來朝因有叔孫昭子問官之事其地應在曲阜孔子見而學之亦未明言至郊惟韓詩外傳載於郊遇程子傾蓋贈束帛一事又山東通志載郊城縣治西北有碑曰問官故里又一統志載問官祠在縣北世傳即孔子問官之地則此地問官里之名於古既無證據且距郊城甚遠知出於傳會所稱也

郊子園三疊舊作韻


塗山朝萬國魯境更吳墟爾日封疆窄無過數里餘

禹巡

狩會諸侯朝者萬國其時中國提封不過萬里分爲萬國卽一國祇得一里也有是理乎疆域褊小可知郊子爲魯附庸若任與顯史之類蓋一魯國中卽有十數國矣今天下疆宇數倍於古然中國亦祇千五百州縣則

今一州縣可當古數十國也此皆屬
後人傳會遷就亦存而弗論可耳
地寬真過古政冗

益殷予以巡狩切欲因休助諸郊園自宛在清蹕復
斯於駐早仍多暇明憲一閱書



欽定南巡盛典卷十九